



## Editorial

### **Khrista Jesu Sepai Pha 2Tim 2:3-4.**

*“Khrista Jesu â ding ah sepai pha tak gual in haksatna ei thokpi in. Sepai kuama’n damsung khawsaknate ah hin a kisubuai ngai puai; sepai ding ah tel hotupa kipaksak ding bep chu a tup sek hi”.*

**T**aksa i khawsaknau lampi’n gen ta leu hin, sepaite chu thununna khau tak nuai ah um ahiau a. A lawi upateu in hi ding atiu chu ut leh utlo thu umlo in abawl mai ding uh ahi. Gam leh nam a ding ah kipia dawk leh sem ahi ziaak un, gentheina leh buainate’n bang gual in tunkhum ziang sek ma leu amawpuaknau thipi ngam ding in ma asuan zel uh ahi.

Zia gualma chun, gingtute hile ni sin zan sin in, i khawsaknau kawng bangkim in gitlo gal in ei do zing sek ui. Ziaziakchun, gitlo gal i do zaw theina ding un i hi nau iki hiatchian masak uh apawimaw hi. Gingtute hi eimau ah ding ah hing kihi talo in Christa a ding ah hing ihi zaw tau tihi hi-atmillo apha. Chun, gitlo gal chu do zaw ah a um theina ding in

thuak ngam, chân ngam leh thipi ngam ah i kipiak uh a pawimaw hi.

Gingtute’n tuhun ah siat gal i do uh hi, Lalpa gal do ihu tin gam liantak la zo ding ah kal i suan zel uh ngai ahi. Sepai ding ah ei telpa chu Pathian ahia, ama i sukkipak theina ding un bangkim i sep i bawl zosiau in Khrista sepai pha tak i hiau a pawimaw ahi. Sepai phatak hinuam chun eima leh eima kithunun masak ding ahi. Eima ki thununna ziaak achun hotu kipakna thil dawng leh chang ngei ngei ding ihu. Ahin, ki thununna ngaisaklo mi ihi khak chun mite tawden leh nuisan ah um mai ding ihu. Ziaziakchun, Hotute za dan thiam kawm in malam kal isuan zel ding ahi ti hiat millo apha.

I khawsaknau khawvel ahin, gam an dawi gual ah eima i ki thunun  
lian tak la ding ah kalsuan ihu zaw chun taksa leh Thagau ah  
em? gam subei ding ah kalsuang ga tamtak pawluttu hi ding ihu.  
ihu em? ti eima leh eima i ki hi-  
atchian ngai ahi. Sepai hangsan  
leh hat ihi nuam chun Pathian ki-  
ang ah pauchap zing in athu sim  
leh ama tawh kipawl khawmna  
hun ha mat zing ding ahi. Pathi-

--o0o--

## Gingtu din mun

*I Johan 5:13 “Kumtuang hinna la nei ui, ti la hiattheina ding un, nang uh Pathian Chapa min gingte kiang in zia thute hi ka hun zik ahi”*

**By: Rev. Seilunlal Vaiphei**

### **Gingtu Chu Mi Thiangtho ahi(-1Pet 1:16;Heb 2:11):**

Gingtu chu Jesu Khrista ziak in Pathian cha hina, dinmun sang tak changtu ahi tak zia kin Bible in mithiangtho ti'n a gen hi. Ei mau hinna chiat i ki etchian ahi chun mi thiangotho ti ah ko tak ah ki hia um khel puai tiu.

Pathian thu ah thiangotho ti i mu tam pen hi chu kipawlp i tu dang umlo, a chuam bik ah, Pathian a ding ah kaw i chuam tinate ahi. Gitlo leh thepna kal ah Pathian a dinga ki-kaw i thiangotho ah kipum piak mite chu Pathian a ding ah kikawichuam ahi zia kun mi thiangotho ahi mai ua, a taksau le “Pathian in” tin agen ahi. Pathian Thagau Thiangotho chenna ahi zia kin a thin lung leh atawidan zosia a thiangotho ding uh ahi.

### **Gingtu chu Hukdam ahi(Tita 3:4-5):**

Malai a chun mi genthei, mi mawlte chu mi hausate nasem ah suak in a um sek ui. Suak ahi

ziak ua chun a puteu thu thu'n um in, hiding a ti taphawt uh chu a hi mai sek ui. Chun, hilo ding a tiu ahi khak ua chun gawtna a tuak sek ui. Suakte hi a chanaute'n paisa'n a tan daw k thei ua, a tatdaw chun a pute'n a chung un thu a nei tapuau a, a zalen ua, a hinkhuau a danglam ngal ta ahi.

Gitlona suak ah tang mi-hingte chu Pathian in a chapa changkhat neisun Jesu Khrista in ei tandaw k tai. Gitlona thunuai ah mangthai mai ding i hi lai un ei hukdam a, gitlo henkaw l apat eima kitan daw k theilo kha Khrista'n thaw kna zosia thuak in, kraws ah khetden a um in ahung thi ta. Athaw kna leh thina zia kin mi gilote'n hukdamna chu i mu thei tau hi.

### **Gingtu chu Kumtuang Hinna nei ahi(Johan 5:24; 1Johan 5:13):**

Jesu Khrista thina leh thawkitna zia k ah hukdamna changte chun zia khawvel hinna

khellam ah khin kumtuang hina a nei ui. Gingtu chu zia khawvel ah a hinna a beitat in le, kumtuang mun a, gim genthei thuak talo in um ding ahi ti Bible a i muu ahi. Zia chu vanggam ti in gen ahi.

Kumtuang hinna ngak gingtute chun zia khawvel dam-sung hun chawm cha sung ahin gitlona nusia'n, khawvel nawpna-te leh Pathian dawilo gual thilte anutsia mai ding hi. Ziakiachun, suk gentheina a thawk in le thuak mualsaw in, chân a kul lehle chan ngam thei ding in pan alak ding ahi. Khawvel ahin Khrista nei a lul dan khel ahin thildang a um talo ahi. Kumtuang hinna i chan theina ding ah thil pawimaw pen chu Lal Jesu dawidan ah khaw-sak ding hi ahi. I leisiat hinkhua a bei phat leh kumtuang hinna i nei ding neilo ding chu tuhin i kingai-tua zet akul hi.

**Gingtu chu Pathian Cha ahi(1 Johan 3:1-2):**

Sawlchak Paul chun, Jesu Khrista gingtute chu Pathian cha tia a gen ban achun, 'Go luatu, Khrista luapitu' ti'n a gen hi. Pathian cha i hi theinau chu Jesu Khrista zia liau liau ahi. Gingtute chu Khrista tawh a kizawm a, grep guipi leh abakte gual i hui a, zia

chu Pathian cha ah sak ah i umna ziaak pen uh chu ahi.

Nu leh Pate'nle cha leh naute phatna ding in pan lak thei dan dan in la ding in ngaituana anei sek hi. A phatna ding uh ahi phawt chun zilgainate, thunun-nate, gawtnate na tiang le ki mangsek ahi. Chun chate phatna ding ahi phawt leh ti in thawk piak a pawimaw lehle nu leh pa chun a cha a ding in a thuak mai sek hi. Ziagual machun, Pathian chate i hi ziaak un, gilo in thu manglo maleu hinle i phat ding uh a dawina ziaakin ahepina, khawtu-ana leh ngilneina in ei enkawl a, a dawilo gual ah i um ahi chun i phatna ding un ei thunun a, ei gawt hial sek ahi. Pathian cha i hinaw a hin mawpuakna lian tak nei ihui ti hiat a pha khawp mai hi.

**Gingtu chu Thiam Chang ahi(-Johan 8:10-11):**

Mi'n dan abawsiat ah sawrkal dawilo gual tak thil dik-lo a bawl chun Police in aman ah vaihawmna(court) ah a pui ua, a thilbawl ah thiamlo chansak ahi chun suangkul ah a khum sek ui. Thiam a chan ahileh chu suangkul ah tanglo in ahindan pangai in a khawsa kit ngal sek hi.

Eden huan ah mihingte'n thil a sukkhialna ziak un Pathian dan bawtsia i hi tau a, eimau bep ah chun thiamchanna ding him him i nei puau hi. Jesu Khrista i thasang ua a thina leh a thawkitna ziak in i thu buai uh chu sukfel ahi ta, thiam i chang tau hi. Gitlona suak ah tang den talo in, zalen tak in i um thei tau a; Khrista'n ei uh a ding ah a sep hi a lopi zia genseng ding gual ahi puai.

**Malam zawt zel ding ahi(1 Tim 6:11-12; Philippi 3:14-16):**

Gingtu hina a hin achangta, neita leh kichian taka mu tale a ki um ngei ina; ahi'nla bukimna chan hun ah vangam ah i chia ma a chun malam zuan a chia zel ding ihu. Puan chu a vam hawi po leh kidak bek a kilang chian a, kidak ngaimawna a neu mai hi. Zia gual chet chun gingtu chu a thiantho zaw po leh ama ah Pathian dawilote chu tawm mai ding ahi. Ziaziakchun, gingtu zo-

sia hin i tunna tiang ua pat masawn ding ahi ti hia in, Pathian dawigual ah hing ah a dawidan ngai pawimaw pen in malam zuan zel hitiu.

**Thawkitna Changtute(Rom 6:5; 1Pet 1:3):**

Jesu'n thina a zo ah a thawkitna thu hi ginglotute'n thil taksan um keilo ah a ngai uh chu ahi. Bang gual tuk in taksanglo maleu, gingtute a ding a chun i ginnau kingakna pen ahi zia kin i pangdet uh ahi. A nungzuite kiang in Jesu Khrista chu tho kit taksa pu in a kilâk ah; zia chun kinepna hing a siam piak a, Khrista thawkitna chu a kikawppi uh ahi. Khrista thawkitna hi ginglotute chun bang gual tak in dodal maleu thi tiang a thawkuam in gingtute chu a pang uh ahi. Ama gual tho in thagau lam taksa lopi tak tawh tho kit ding ihu, ti kinepna hing in i thil uh ahi.

# GAWTMUN BANG TI GUAL AHM?

by Samuel Kipgen

## 1. MEI MIT THEILONA MUN

-Matthai 3:12

“A khut in phazap a chawi ah, a bute chu hun zap thiang intin, a bupang ah chun kawihé ina. Busite vang chu mei mittheilo ah chun hal ta’n a” ti’n a gen a.

-Thupuan 21:8

“Himaleh, mi dawilokte, ginge, kidak umte, tualthatte, thanghuaite, dawí mangte, milim hote, zuauthéite zosia chun mei leh kâh ah kâng meidil chang ta’n au, zia chu thi nina chu ahi” a tia.

## 2. KA LEH HAGIALNA MUN AHI

-Matthai 13:41-43

41. Mihing chapa chun a vansawlhakte sawldawk intin, a gam ah kipat in migilote leh mi gitlosakte chu hun lakhawm intiu in;

42. haltuina mei ah pai in’au; zia tak ah chun kâ leh hagial um ta’n a.

43. Zia phat chuleh, midikte chu a pau gam ah nisa gual in vak ta’n au. Kuale hetna ding ah

nakhang nei chun he tau hen, a tia.

## 3. GENTHEI BEILONA MUN AHI

-Marka 9:48

Gawtmun chu a lung le thi ta puan tin, a mei le mit diak lo ding ahi ngala.

## 4. KUMTUANG THINA AHI

-Thupuan 20:14-15

14. Thina leh mithi khuate chu meidil ah a pai tau a. Zia chu thini’na chu ahi tai.

15. Kuale Hinna Lekhabu a min kiziklo tapo chu meidil in apai tau hi.

## MEIDIL AH KUA UM DING AHM?

### 1. MI GITLOTE

-Matthai 13:49-50

49. Khawvel tawp hun tak leh le zia gual chu hi’n a; vansawlhakte hung tintiu in, mi phate lak ah kipat chun mi phalote hun zendawk ding a hui.

50. Haltuina mei ah chun pai intiu in, zia tak ah chun kâ leh hagial chu um ta’n a, a tia.

-Thupuan 20:14-15

14. Thina leh mithi khuate chu meidil ah a pai tau a. Zia chu thini'na chu ahi tai.

15. Kuale Hinna Lekhabu a min kiziklo tapo chu meidil in apai tau hi.

## 2. SETAN LEH A NUNGZUI ZO-SIA

-2 Peter 2:4

Vansawlchakte'n thil ahikhial

lai un Pathian in a hâwi pua'n, gawtmun in a pai a, vaihawm khum dingin thimna thukpen in a khum tai.

-Daniel 12:2

Mi tamtak leivui ala suak ta, a la ipmusate chu hung khanglo ta'n tiu in; khenkhatte kumtuang hinna chang ding leh, khenkhatte kumtuang zakchakna leh mualphona chang ta'n au.

--o0o--

# MITHIANGTHOTE LEH VAN ANGELTE KI-PAWL LIMNA

**By: KL Muana Khaute**

**P**athian thu hing sim leh ngaitua ah ka um lai tak in ka ngaituana'n thil mak tak mai Biak- in lian tak sung ah chun van Angel leh mihiam te a hung lut tau ah, Pathian hileh kilawm tak mai puan vam sit set ah kithuam pindan chungnung pulpit ah chun a hung ding dawk ta thut mai ah, tak a chun mi zosia chu kipak leh lau pum in a um ziang tau ah.

Van angel tam tak te tawh mihiam te chu bawk khup in pauchap ding in thu a hun pia ta, tichun khut kitutua in a pauchap khawm tau hi.

Tigual a hin pauchap na thupi nang uhi ka ngainat leh ka nasem ding ah ka guat te la hui ah ka chatuan lemguat khawvel ah chanchinpha hia nailo te kiang ah puang ding ah suk thiantho leh cha sak ah um te la hui. Van kona chang te la hui. Zia khawvel thu thang chuam chuam te leh buaina te hin ki hi lung ngai ki un la khawvel gam tin ah ka chanchinpha hia nailo te kiang in kumtuang hinna thu va gen un la, khek nei lo hial in va gen suak un la, Pa leh Chapa leh Thagau thiangtho min in baptis un la, ka kiang lam in hun pui kin un. Zia zo tak chu leh van a pat hung kum suk ing ka tin, ka mithiangtho te chu hung la khawm ding ka hi. Chutia ka mi tel te leh ka vansawlchak te gen ngailo a um tak

hial chun zia te chu hepina bei kei in nutsia in um di a hi mai tau.

Zia nasep chu la zaw tak uh leh ka mithiangtho te chu van chung a pat ka thil hitheina'n pui to tang ka tin amau nutsia ah um te chu khawvel haksat genthei gen gual lo chu hun tuak in tin uh 'Lalpa Lalpa ei ngaidam in', ei pui in ti'n hung kiko in tin uh, ken zia thawm gi chu hung hiang ka tin khawvel nawp chenna leh lopina khela te chu tawp ni um lo in gawt hi tan tin uh, amabo kei ei ngaina khawvel haksat du-amna nusia zo ah kei lam ah hung kihei kit te chu ngaidam nalai ding ka hi. Kumtuang chawmun ah chun kei tawh tawpni um talo in lengkhawm tang kau.

Khaile ka cha thiangtho te haw hun a um pet cha hin Lal-



pa na sem in. Khawvel thuneina leh lalna te nusia in la, ginglo tute kiang in ka kumtuang chanchinpha kawlmawng tiang in puang un la gingu'n hun siam un, Lalpa ni chu a nai ma ma tai. Van lalukhuk la sep daw dan chiat ua pia ding in ka ngat zing la hiu.

Lalpa chu gucha gual in zan thip in a guk in hung di a hi. Kiging zing in um un. Mo dawn te gual ah thautui neilo ah mo la dawn theilo gual ua um lo ding in kiging zing in um un. Lalpa ni chu a nai tai.

--o0o--

## I TU GA..!

***“Thep in um ki un, Pathian chu thep di gual ahi puai. Mi'n atu tapo zia ma chu at kit ding ahi”.*** -Galatia.6 :7.

~ Hegin Haokip

Suapite haw, setan zou leh nal in kithep zaw sak ki un, zia zou leh nal hi ala mangcha Adam leh Evi ala thep zaw ziakin i genthei tau ahi. Zia zou hi tuni chan in mihiamte thepzaw na dinga setan manchak phapen ahizing nalai hi. Aman mihiamte hi by force ahiloleh bangbang ahem bawl ah athep zaw sek ahipuai. Zou ah athep zaw sek ahi. Eden huan a 'Thei' chu Pathian in la nek nini'u ah thi ding lahi atichu, gul in ne maleu chinle thi puan lau, ama gual la hi ding ziaq ua ahung nek saklo ahi, ti'n ala them zo hi.

Tuni hin suapite haw, Pathian thu'n bawlllo dinga agen te zosia chu peivelvel a bawl

tei ding gaw lo in, bawl lo ding atileh bawlda ziangin, bawl in atileh peivelvel a bawl da teiding gaw lo in, bawl ding ati leh bawl ziangin, ziate haw chu mi-hangsan akitia, malzawl na bukim a kimu sek uh ahi. 'Zou' kiti hi Setan pau mal ahia, ahinla 'Thutak' kitihhi Jesu min khat ahi. Jesu'n keima hi 'Thutak' kahi ati. Pathian bible a kisun zosia hi 'Thutak' ahi. Zia 'Thutak' hi Zouthu toh kituaklo hel ahiziang hi. Thutak lak a chu zou ahung pang popo leh Thutak chun bangma a bawlthei lo ahiziang hi. Tunin le setan in Thutak hi sukset teiding a ngaitua zing hi. Zu ducha te dingin, neucha cha don akhawk puai, sual

ahipuai ati piak in, chomlokal in Zu in angol zo sek tau ahi. Zia hi setan thangkam ahi. 'Bangma ti puana' ti'n kisuang kin, agu hi gulsum gu tawbang ahi ati ahi. Test bawl sese kin, labawl lo lai sia chu ahing lahi, labawl nini chu athi tawbang lahiziang hi. Aziak chu la vang asiat leh la thi pithei ahi ti kihiat thiam in.

Chuleh hinkhua anawp nawp a mangnuam te ding in, satan in "Phat chawmcha lanei sung hin anawpna thei chan in mangin. La zinei zaw phat leh la insung puak ding tawh, la zi leh chate labuapi ding tawh, tu hi nanga dinga 'golden chance' ahi" atipiak leh ataksang sek ua, hinkhua anawpna un ahun mat phat ua leh hetmanlo kal in, setan thâng ah a Awk pai sek tau hi. Thânga awk phat leh, Zi nei hen lang cha nei ziang leh le bang abawl thei ta diam ? ziaziakachu setan in a insung hawitak ah apuakthei lona dinga chu a khangdawn lai ah sukset tei ding tichu a tup ahi. Nang inle la thanawpna lam ahiziaka chu setan thâng a bailam taka awk sek lahi tai. Chingthei in, insung khat siam ding lahia, freedom tak a la siamlo leh a kihempum a insung

bang la ti siama, la zi leh cha'n bang malzawlna amu thei di'u ahem ?

Nu leh Pate hin, insung khat mawpua ahi tak ziakun, sum leh pai a pawimaw in, ziaziakchun mitam tak hin sum leh pai hawlina ahin, Dan dik leh diklo agelpha sek puau a, 'a kimupo leh Pathian nasepna'n le kimang in tin, eima le ki kimang intin, kuama dona leh siatna dinga ka bawl ahipuai' ti'n a kithamuan sek ui. Ahipuai, ka suapite haw adiklo chu adiklo ahiziang hi. Masanglai in, LTC advance ka kilak seka, Chennai khawpi'n ka chia seka, mikhat-mini bek ka kithuapi thei khak leh ti'n, sum chu kalak kep sek hi, ahinla a diktak a chu ahileh LTC a chu keima dependent te bep claim kibawlthei ahin, Madras ka tun phat in ka pauchap leh ka pauchapna atui thei ta puai. A tawptawp ah chun ka mipui te haw chu keima'n kapuakdaw piak zaw sek tai. Zia takah a pat chun, kuama cha kapui tapuai. Pathian nasepna tawbanga kabawl nuam vang a chu adiklo ahitak ziaka chu eima ah kithiamlo channa ahung lianta ahi.

*Pathian in simtu zosia malzawl taken.*

# NANG IN BANG CHI LA TÛ EM?

*Galatia 6:7*

*\_Thep in um ki un, Pathian chu thep di gual ahi puai. Mi'n atu tapo zia ma chu at kit ding ahi.*

**By: Ng. Naocy Haokip**

**C**hrista thisan jal'a hukdam kachan khawmpi suapite zosia Jesu Christa minin hepina chibai kahun buk hi.

Pathian lungsiatna leh puihuaina zala tuni chan a damna ei pia, athupha I kihilkhawm jing thei naklai ziakun hun lopi ei musaktu Pathian chawihawina leh lopina I pia'u hi.

Tuni'n "**NANG IN BANG CHI LA TU EM?**" ti thupi mangcha'n chawmcha holim khawm hitiu.

Achunga Bible chang hi i et leh Pathian in dan akawi khat akimu ahi. Mihiam khat in achit ziak leh ahau ziak, abawlthei ziak a apeldaw thei thil hilo dingin akilang ahi.

Ziaziakchun, Chi kitu dan leh a-at dan chawmcha enkhawm hitiu.

## **- Bible'a bang ti'n imu em?**

(i) 2Kings 15:8-26 sung hi I et leh Israel leng Zachariah chun leng vai ala hawm a, hun chawmkhat zo in Jabesh chapa Shalum hin Zachariah lalchutpha adawi zia kin chemjamin asat lum ta, ama thasang in lengin apangta ahi.

Hinla, hun chawmkhat zo in Gadi chapa Menahem kitipa hung kuantu in, Jabesh chapa Shallum chu athat kit ah, ama thasang in lengvai apawkit ta ahi.

(ii) Daniel 6:24 sung hi enkit leu hin:

Babulon gama Judate asal tan lai un Pathian ging zing Daniel thina ding guanggalte haw chu vainungin amau thina zawk in ahung pang ta ahi.

(iii) Genesis 31:7 sung hi enkit leu hin:

Abraham dinga atupa Jacob (Israel) kitipa chun apa Issac chu bang zat vei ala thep ahi

tam? Ahinla vainungin apupa (Laban'in) vel sawm (10 times) jenin ama ala them kit ahi.

(iv) Esther 7:10 sung hi enkit leu hin:

Lengnu Esther hunlai in Haman in Mordecai thana dingin mi khailupna tawng sawmnga (50) a sangin ala siam chu, vainungin asepga chu ahung kilekit in, aman thina zawk in aneita ahi.

**Taksa lama Chi kitudan enkit hitiu:**

*Tuanthu chawmcha vak gen hitiu-  
Khua khat ahin nauchaga,  
Unau ni a um un, amau unau chun  
Lo vat ah thaichi tu ding agaw tau  
hi.*

*Mite'n "Chateni kumkhat  
masanga la thaichi tu(Lo ga) la  
nek nuam ua leh kawlbua tu/ching  
leu chin nevak pen ding la hui" ati  
piak tau ahi.*

*Zia phat ah chun, aneu-  
zaw pa'n a U kiangin "Ahi ngut'e,  
he-U mi'n ei hil gual ua chun bawl  
hiti," atileh alianzaw pa anuam-  
pua, anaupa kiangin, "Bawi, gen-  
thei tak a na kistem ah, Bang ti'n  
thakhat/thani a ding bep thaichi  
tu thei ding ihi em? Mi'n bang  
gen leu le tuni ahin l dawi dawi l*

*mawk tulo ding ahi. Ei unau a din-  
ga khawnunga ahung phachawm  
ding bep itu ding ahi" ti'n agen  
piak hi.*

*Zia guala chun a-Upa gen  
gual in kilungtuak tak in abawl  
tau a, thakhat/thani sanga kum ni  
kum thum chan ah phachawm ding  
thaichi chu aki luak tau ahi.*

Zia Tuanthu apat a l gen nuam  
chu:

Tuni ahin Jesu Christa  
ginga ama a ki-nga zing mi zo-  
sia'n igeldaw diu chu "Sawlchak  
Paul'in Galatia kochuamte kian-  
ga ala gen- "..... Mihiam in l  
tu ga chiat l at ding ahi".

A chung ah tekhinna ch-  
uam chuam l hung gen teu apat  
imu chu, min atu dungzui ah aga  
a at chiat uh ahi.

Ziaziakchun, tuni'n gingtu  
nang leh kei inle l dawidawi  
mawk tuding ahipua, khawnun-  
ga ahung ga phachuam thei ding  
gel'in Thaichi itu ding uh ahi.!

Ni nunung ahitak ziakin  
nikhat-nini, thakhat-thani a ding  
bep'a thaichi tu dinga ei zawl  
ding le mi tamtak hung kisp-  
dawk intin, himaleh kumtuang  
chan a dinga thaichi phazaw ki-

tel ah, thepna galzo thei dingin l  
Lalpa Jesu Khrista min in l ki chial  
uh ahi.

Nang in bang thaic-  
hi tu ding la hem? Tuni a ding  
bep chi tu ding la hem? Ahiloleh  
khawnung chan ah aga hung  
pung dingte latu na em?

Chuleh la thaichi tu chu  
bang tigual thaichi ahem? Apha  
latu leh apha la kisan ding ahia,  
asia latu leh asia la kisan ding  
ahi.

La Lo bawlna chungchan-  
ga lakianga thupha hihen thu-  
sia hiziang leh le agen ding chu  
aumsa ahi. Ahin zia chu nangma  
ginna kipatepna ahi. Mi'n bang  
gen ziang leu le nangin la kisan  
thiam angai in, nanga dinga kho-  
nungah ahung phachuam ding  
Thaichipha chu paidawk lo in tu-  
lut zingin.

**\*Hallelujah Amen\***

\_\_• Tuni a dinga sermon chawm-  
cha iholimnau zia chan hi ahita'n,  
mihiam hina'n kammawl a kihia  
gendan kathiam zopua, asim-  
dan thiam a, ilunggil sung chiat  
ua sermon ala kibawl phat mai  
hitu.\_\_

\_\_• Asimdawk zosia lungthim sun-  
ga Pathian in hiatthiam theina  
lunggel eihawn piak ta hen.\_\_

\_\_• Taksa-thagau a l kalsuan-  
benau ahitheina di'n Pathian khut  
in l kikawlsak uh ahi.. Amen!\_\_

--o0o--

## Ziaziakahin, a thawk hatlo te chu aga dawk zo ngai puau hi.

✍ Pr. Thangkhomang Suantak

**P**athian I ho chiat un. Hinla ama hi ibang ti mu u ahi em? Kidong leuhin lam chuam chuam igen ding uh ahi. Bible a pathian nasep dan haw ka en a kei hinkhua a pathian nasep dang haw ka et kit leh pathian hi achan achan chum la bang ahin la lapla ngailo ahi, zia zia ahin mitamtak in ngak dawk zolo sek dan in kamu'i. ziakachun a etsak na ding in tuanthu khat leh ni vaj en hitiu.

### 1. Tuipisan pang a Israelte (Exo.14:1-30)

Israelte Aigupta apat in ahung ki tawi daw lai un tuipi san pang ahung tun phat un, Aigupta lengpa sepia ten anung ahung del tau a. Israelten aigupta sepaite chu ala gal mu tau a, Hin la tuipi san chu palzaw ding gual Chula ahi ta puan, tuipisan pang achun amawk dingden ziang tau ahi. Zia phat chun Israel te chu ahung lauthawng mama ziang tau in zia phat achun aq pui-tu u mosia chu ahung lungnat khum un ahung ki phin tau a, Aigupta gama kivui na thankhuk umlo ahia hem zia tak thalek gam ah mawk thiziang dinga lei puidaw'u ahem tin akap ziang tau ahi.?"(Exo.14:11) .

Zia chan achun lungzin lungkham atuak vang un pathian in bangma alim sak puai, ahin la Pathian in ahun akihetnai.

Chutia Israel te chu pan-pi tu bei a Aigupta sepai te khuta thimai dinga aki gel zinglai tak uchun, Pathian in mosia thu ahung pian, ziaphat achu mosia le ahung ki ko a "Lau ki unla pangdet un La ki hukhing na ding un pathian in bang abawl em tuni la mit ngei un muding la hui,"(Exo.14:12) tin Israel mipite chu a thamuan tai. Chutia Israel mipite kinepna beia aum laitak uh chun, Pathian thupiak dungzui in tuipi san chu phelni ahung kisua in tichun Israel mipi techu leigawchak in tuipisan chu akeng un agal kai tau ahi.

Zia phat achun , Israel te nung hungdel aigupta sepaite chu tuipisan lailung taka hung tun phat un un Pathian thupiak dung zui ma in tuipi chu ahung kimat kit tan zia phat achun sepaite zosia chu tuipi chun atawk mangzo kei tau in ahin la Israel mipi tevang khatcha le amangthai puau hi. Ziakziakachun Pathian hi achan chum/vaigei abat sek vang in lapla anei ngai puai, Israel tele a hun cha'n a hukdawk ahi .

## **2. Meipi sunga Danial lawite mi thum te (Dan.3:1-25)**

Babulon lengpa Nebuchadnezar in Dura phaizang a milim lian tak khat atung dawka Babulon gamsunga mipite zosian chun Pathian ho a aho ua anga chu abawk khup ua chibai abuk ding ua thupiak ahi Lengpa thupiak zuilo zosia chu meipi sunga selut ding thupiak khau tak chu ahi. Ahinla pathian det taka gingzing Danial lawite mi pathum te vang a pathian uh Yahweh tilo pathian dang ang a abawk khup ngailo uh ahi.

Lengpa thupiak azui taklo ziak un Danial lawite mi pathum te chu akhut leh keng kantawm in. meipi sunga selut ziang dingin

aum tau a, Hinla zia chan achun le Pathian apanpi nai diak puai. Danial lawite vang chu bang guala sawisaka thilaw ziang ding hileu le milim anga bawkkh-up lo ding in aki tiam hial uh ahi (Dan.3:17-18). Pathian in vang ama ah dingdet te leh achate haw chu bangtik leh hukdaw a panpi di ahem ti chu aki het zing ahi. Meipi ahung selut phat uchun Pathian ala masa tan mi thum lai chu mili ahung hiziang tau ahi (Dan.3:25). Zia phat achun meisiam pa pathian taw ahung um khawm phat uchun amau ading in meipi sung chu vangam ahung suak ta ahi. Ziaziakachun, Pathian hi avaigei gual in kilang sek maleh alap la diak ngai pua'n, A chate ahukdawk tho tho sek ahi.

## **3. Jesu'n tuifawn kinawk lai avau thip (Mk.4:35-41)**

Jesu leh a nungzui te tui chungu kuanga aki tawl lai un khawpi thigua hattak ahung hang phut in, a chuan na kuang uchu tum di ahung kisa ziang ta,- zia phat achun anungzuite kihuk hin thei na dingin bawl thei zosia a bawl nung unle a phachuam ta pua, Jesu la kuang mawng lamin

bangma bawl lo in nawp tak in al ipmu hit hit mai a.

Nungzuite haw chu thigam ziang di ihitau tia ahung lung dawn mama phat un. Jesu chu ava phawng tho tau a. Jesu'n vang bangtik leh bang abawl ding chu aki hetzing nai, Jesu chu a nungzui ten aphawt ziak ua tho ahi pua thii tung zosia chule ahetlo khatle aumlo ahi ahin ahun atun phat achun hung thodawk ahi zawi.

Tichun, Jesu'n khawpi thigua leh tuipi kinawk chu ahung vau thip tan nungzui te haw le achuan kuang uchu bangma ati ta puai. Ziakachun jesu chu vaigei takin kilang maleh bangma alap la diak lo ahi.

#### **4. Abraham athawk hatlo ziak in pathian ngakdawk zolo(-Gen. 15:1-13)**

Abraham chu tekkun nung thachau nung hiziang ta maleh, Pathian in malzawl ah nam loiptak a siam a matchak anawp ziak in abawl ding khat apia Kumthum ting chiat Bawnglâ khat, kellâ khat, belaam chal khat, vakhu khat leh vapaal khat chiat ahap a sat chiata maicham ah siam dingin Abraham kiang

in agen taii(Gen.15:9). Tichun, Abraham in maicham chu asiam tan, maicham chungsa te haw chu Pathian in bang ahung law ding ahem ti chu angak zing hi (Gen15:11)Hinla maicham chungsa haw chu vacha te haw chun nek ding gua in ahung vel vel sek uh ahi.

Nisa tum in abraham inle Pathian in maicham chu bang ahung law diam ti chu angak zing in maleh ngak dawk zo talo in a ipmut asuak in anguai ziang tai(15:12). Ahiat lo kal in ala ipmu san kha tan zia phat achun maicham chungsa haw chu vacha ten ala kaithang lem-lum ziang tau ahi. Zia phat achun Pathian chu Abraham chung in along na mama ziang ta la suan te zosia migama suaka kum 400 (zali) zen um ding in sia asap khum law ta ahi. (15:13). Zia hin chu pathian avai gei ziaka lap la ahi puan, Abraham titak lo ziak leh athawk hatlo ziak in hansia law achan khaw law ahi zawi.

#### **Thukhakna**

Ziakachun Pathian hi avai avai gei in kilang sek maleh lap-la anei ngailo ahi, Ziakiachun 1. I hinkhua'u a nasep aki puan



na di ahi,

(a). Pathian taksan na akhon tian-ga ama ngansia ngam angai hi.

2. I hin khuau a pathian nasep I ngak daw zolo nau ahi.

(a). Pathia dawidan ah I thawk hat zaw lo ziak uh.

(b). A khawn/ tawp tianga pathian I ngansia ngam lo ziak uh.,

(c). Ei mau hun tep sunga pathian in ei panpi lo ziaka ei ma daw dan dan a kihei,

(d). Pathian daw dan a hinkhua mat gawlo a, pathian zawk in eima daw dan dan a ei bawl piak ziang dinga gel,zia ziak-achun pathian nasep I ngak daw zolo sek uh ahi.

--o0o--

### Matthai 6:19-20

## “GO KHAWLKHAWM DAN”

~By Rev. Tongtinthang.

Lei ah nget leh tui ek in a nek siat thei ah; guchate'n a vivan ua aguk thei nau a hin go khawlkhawm ki'u inla, van ah nget leh tui ek in anek siat theilo ah, guchate'n a vivan ua aguk theilo nau ah chun go khawlkhawm zaw un, la go umna tapo un, la lungthim uh a um ngal a (Mt. 6:19-20). Lei ah hin nek leh chak leh sil leh chente i nei a khenkhat in a thua thua'n sil leh chen, nik leh puan a chaw'u a, thingkuang dimdim in sillo chenlo in a kawi ui. Thawlawm thaw ding ahitak leh sum ka nei puai atiu a, a thaw ngai sek puau, a thaw sun uh le tawm chacha ahi sek hi. Nik leh puan, sil leh chen a kawiteu chu a sawt tak leh a hung ngawt sek hi. Zia Bible chang in a gen hi a dik ma ma a, go khawl dan pha zaw Jesu'n Tabore tang ah a gen hi adik mama hi.

Tuhin, etsakna dang khat vak gen hitiu. Jesu khawvel ah ahung len-lai in Judate'n Kross ah a khen

den ua, a nithum ni'n a tho kit ta, a nungzuite khenkhat kiang in a kilak a, thina pat ka tho kit tai

atia, zia hun ah chun a nungzui St. Thoma, Jesu nungzui pakhat chu a pang pua; a lawite'n i Lalpa'u Jesu thina apat a tho kit ta'n, kei uh kiang in le a hung kilak hi atiu a. Thoma chun, ka taksang puai, a khut ah kikheden na mabe leh a keng ah khetden nau mabe tawh a nak ah chei ah a sut nau ka khawi masia ka taksang puai atia, Zia zaw nung ah chun a nungzui te, Thoma ngeile a um na'n ava kilak kit a, Thoma nang bang atia ei taksang lo la hem? hung in la, ka khut leh ka keng leh ka nak ei khetden nau leh ei sutnau hi hung khawi in ati tai. Zia phat chun Thoma'n ka Lalpa leh ka Pathian la hi ka taksang tai atia. Zia phat chun Jesu'n mu ah taksangte chu a vang a pha'u atia.

Jesu van a kalto nung in a nungzuite chu chanchinpha gen dingin gam a ki hawm ua, zia a kihawp nau a chun, Thoma chu India gam a chang a. Kei a gam pau helo pa hin chanchinpha chu India mite kianga bangtia gen di ka dia aw....tia a lungkham lai in, nikhat chu India gam ah leng Gundaphorus kitipa chun, a nuai ah nasemte pakhat a In sa di hawl dingin Asia gam ah a sawl

a, jia a mi sawlpa chu lawng in a chia a, Asia gam a tung ta. Lawng chawl na a ki chawl lai un, mi pakhat (zia chu Jesu ahi) a kiangin a hung a, khawi ah bang hawl ah hung la hem" atia a dawt leh, ama'n kapu leng Gundaphorus in In sa ding Mistry hawl ding ah ei sawl kahi atia.

Zia phat chun, ama chun ken mistry insak thiam kanei hi, ama chu In sa thiam, thing bawl thiam, chek leh cement hawle bawl thiam ahi atia. Jia phat chu ama chu ka daw hi atia, ama(Jesu) inle, kuang mei lam ah Thoma um chu a kawkmua, a nusia tai. Jiaphat chun, lawngpu chun Thoma chu a ko a, nang hi la pu(Jesu) in ei chawksak la hi tan, ka pu leng Gundaphorus In sa ding ah la hung di ahi tai atia, a puita. India gam lam in ahung tung ua, leng Gundaphorus kiang ah chun ahung tau a, lengpa chu tawh a In sakna ding mun a en ua, a ngatna di lam a In dung leh vai sau dan leh letdante haw tetuak in a kiho lem tau a. Lengpa chun In sak man di sum apia a nusia tai.

Lengpa'n a nusia jaw nung in, Thoma chun, a sum chu In sakna manglo in, mi gen-

theite kiangin a hawm piak a, chanchinpha genkawm in a vak vel tai. Chawmkhat jaw in lengpa chu a In chu bang tiang a tung tam ti ava et thak leh bangma cha in kisa ding amu ta puai. Jiaphat chun, Thoma chu aman a, suangkul in a khum tai. Lengpa naupa Gad le alung ana mama a, gawt thei chan ah gawt a nuam hi.

Zia hunlai tak ah chun, lengpa naupa Gad chu nasatak ah damlo in ahung thi ta, athi phat in, a thagau chu van lam ah puito in a uma, vangam ah a In ding en in vansawlchakte'n a pui uh ahileh In lianpi khat hawitak ah kisa, kisajo nailo hi a mu'n, jia In hi kua In ding ahem? ka dawina e, atia. Angelte chun, zia In hi Gundaphorus In ding ah kisa ahin, a matchak ding lei lam pat

ah ahun thawt sek uh ahi, ahun thawt kit tak uh leh aban sak ding ahi atiu a. Jia phat chun, Gad chun le lei lam ah ei chia sak kit in lang, ka upa Gundaphorus kiangin kei a di'n va dawn in ka atia, ati gual ah chun, a sawl kit ua, athisa chu a hung dam kit tai.

A upa kianga chun la In ei chawk sak in, ti'n a dawn a dawn ziang tai. A upa leng Gundaphorus chun, bang In ahem a bangma beipi bang chawk sak ding ka hem ti'n, jia phat chun aman le vangam ah la In di St. Thoma in asak piak thu chu ahil tai. Gundaphorus inle jia thu chu a hiat phat in St. Thoma suangkul ah akhum chu, a thadawk a, Paisa ape kit a, chanchinpha gen dingin a vak sak kit tai.

--o0o--

## **“THUMANGLO CHAPANG,”** **Proverbs 13:18**

Khrist ah la suapi’u

**Ng, Naocy Haokip**

### **THUPILTE 15:5**

“Mingol in a pa hilna a musit in, a pa hilna hethiamte chu mi lunggel thei a hiu”.

Pathian lungsiatna, kho-tuana leh puihuaina zala tuni tiangah damtaka hukdamna thu l kiziltil khawm jing thei naklai ziakun ziatawbang hun mantam eimusak tu Pathian chawihawi in um hen!

***Tuni hin simthaw mai himaleh Pathian thuhing chawmcha alasim khawm kit hitiu.***

Nu leh pa thuhilna ngailou chu mipil akiti thei puai, ahinla anu leh apan agenkhial te nangawn le adik lam ah kiheituak a nulepa thuhilna ngai jing chu mipil tak ahungsuak tei sek hi.

Bang ziaka anu leh pa, Kochuam puitu hingala acha thumanglo umsek a hem? Atangpi’n vang anu leh apa Pathian ginna lama ah ahatbek lo uh chun, chate thumatna lam a tasam deu tei ui.

“Pastor khat hi achanu tangval khat tawh akijam ziakun aman a pastor hina a patin hai tangka,” ti’n lekha ala piat.”

Phatak ah l gel leh chate aneu ua pat hun tamzaw umpi hi anu jok ala hisek hi, nu Pathian ah ahat leh achate apha deu tei uh ahi.

**• Achangle mipha khat chu Nu pha le Pa pha ahi ziang diak puai:**

Nu le Pa khenkhat kisum thei tak ahi sek un, ahinla achate akisum thei nau em ti ahe ngai puau. Anu leh pa Pathian ngaisakmi takte cha chu alotheilo ah Pathian ngaisakmi hi ziang dingin l la gel sek ui.

Chate’n Pathian Ngaisakmi hina hi anu leh apa thisan a pat kilak theilo ahin, ziaziaichun chun bailam tak ah amuzing thei uh phatlona jawk akilak sekui. Ziaziaik hin chate hi Ziltillo,

hillou, puihuai lou a khawk mama ahi (Ezek.18)

Bible'a Thiampu Eli chu Pathian biakin thiampu ahin, Levi mi ahi, Samuel chu Eli in ala puihuaiin, Pathian lau/ging mipha ala suaksak hi.

Ahinla Eli in ama chate-ni chu Pathian lam in ala puihuai puan, Ziaziakchun Pathian chu Eli chungga alung anata ahi. (1 Sam.2:12,22-25,3:13).

Chate thagau chu mantam tak ahi, anu leh apan phatak ah Pathian lam ah apui huai ngai ahi. Zia hi aneu laiua pat ding ahin, alet zaw nung un vang kiziltil, kigai leule vaigei ding ahitai.

Ahinla Pathian tawh pangkhawma siamphatna ding ngaitua thei vang chu ahi.

• ***Nu leh Pa phatak te le achateu phalo tak um thei ahi:***

Anu leh apa'n athei chan ua puidik aguat vangun ajawlo uh khat aum tei sek hi. Ziachu Pathian tawh a pankhawm lou jgak uh ahi nuam deu hi. Bible'in Pa phatak hi ahivanga acha phalou thu le agen hi. Zia pa phatak chu, Kua ma dang ahipuai, Pa Pathian

ahi. Bawngchal in aneipa ahian, sabiltung in a enkolpa anpiakna a hiai, maleh Israelte'n vang kei eihe puau, ti Pathianin ala gen hi. (Isa.1:2-4)

Apa Pathian ahi ki hetlo Pathian cha aum hi. Thumanglo Pathian cha bang ti um thei ahi em? Aziak chu Pathianin achate hi Zalenna ala piak khak jgak ahi. Pathianin mihingte ahepi takluat ziakin, suangkula kihen batsak louin, asia apha akikhen theina dingun zalenna ala piak ahi.

Zalenna mang khial'a Pathian dona nei mi aum phatleh Pathian alung ana mama sek hi. Jesu'n ama gingte ahi ding dawl tak ah azui diu chu thil bailam ahi puai, hak vang haksa ding ahi, ti'n mipite kianga ala gen chun, ama ngaina mama atamjawn anusia tau ah, zia phat chun anungzui sawmleni (12) te kiang in nang hawle chia mang la nuam awm? Ti'n a dawng ah.(- John 6:67)

Pathianin Zalenna ei piak hi, matkhial sangin ama kikapna dinga mat ding zawk ahi.

• ***Lungke loin, kinem in:***

Anu le apinun Timothy mi

ala suaksak uh ahi.  
(2 Tim.1:5). Lataksapna gel ah,  
lalung laneusak lo ding ahi, Path-  
ian tawh pang khawmin, gal zo  
ding la hi.

(Proverbs 22:6). Pathiann migi-  
lote siamphatna di'n, Jesu hung  
kit ding hun a chawn gamlat ahi,  
zia hun sunga hin kua hileuhinle  
iki semphat tei diu angai hi.  
(2 Pet.3:9)

Paul Chun amite siatna apuak-  
natdan ala gen hi  
(Rom.9:2-3)

“Pastor'in Kochuam mite siatna  
apaw zo puan, Nu leh Pa te'n  
achateu siatna apawna mamau.  
Insung pauchap khawmna akimat  
phatle Nu leh Pa'n achateu amin-  
chiat uh lam ah apauchap piiak  
uh leh miphalo le mipha asuak-  
sak thei hi.

Ei uh atamjawn I  
geldan'un I Pauchap phawtle hi  
ziang tan ah tin I gel sek un, ahin-  
la kua hileuhinle nulepan chate  
a dinga apauchap piak le chate  
chu atam le atawm gualin amin  
chiat-uh lamdaw tei ding ahi.

Zia gual ma chun mi khat  
a dinga Pauchapna I neipiak

phatuh lele I Pauchap piak nu/  
pa chu amin I lamdaw tei ding uh  
ahi, ziachun I pauchapnau apatin  
mi khat kithengdanglamna hung  
um thei ahi.


☐ \_Gending tampi um nalai  
maleh tuni a di'n ziachan hin  
chaitaitiu, asim zosia lungthima  
Pathianin eihilchian piak ta hen.\_

☐ \_Taksa leh thagava kal I suan-  
be thei nau ahitheina di'n I Lalpa  
Pathian angsung in ka hung lan hi  
Amen!\_

--o0o--

# LENGPA GU LEH ASUAKPA GU AKIKHIATNA A UMPUAI

**Bible Sim ding: Luke 12: 15-34**

 Dr. S. Chongloi

Nikhat hi 'Alexander the Great' chu Chihgut (Philosopher) Diogenes kianga ava chia a, ama chun hawitak in box pani apat ah mihing gu chu ala enkak a. Alexander chun, "Bang bawl ah kinei ah, zia tawh bang ah chu kisa buai la hem?" atileh, Diogenes chun, "La pa gu leh asuakpa gu hi bang a kibatlona a um em tia kahawl khawk ahilam..! hinla akibatlona bang macha kamu puai" a tia. Diogenes mipil/miching pa'n agen nawp hi 'thinung leh lengpa gu leh asuakpa gu le akikhiatna bangma aumpuai', ti hi ahi.

Achunga michingpa hin mihing khat chu athinung phat leh ama hi adamlai a leng hausahina leh suak genthei ahina bang chun hiatkhen theina aum em? ti hi ahawl ahia. Ama'n a mudaw chu "Bang ma a kihiatkhen theina a um puai" ati. Mi khat in adamsung in midang tawh kibatlona- hausatna leh gentheina liantak nei maleh le, athi nungleh zia pa hi mihausahiloleh lengpa ahia, ahiloleh zia hi suakpa ahi tia hiatkhen theina aum puai ti ei hil ahi.

Mizosia'n hausat ding adawi chiat in zia hausatna leh gentheina hin mihing hindan (social status) a sudanglam zo ahi. Ziakiachun mi khenkhat

in hau ding dawina'n, anek-achak, akimatchak dan te kisumthei tak in hun amang in, paisa/sum akikhawl'in ahau-sa ta ahi. Chuleh midang khat chun hau ding dawina'n lam diklo tak himaleh paisa amu po leh ti'n ahawl'in ahau-sa ta ahi. Hinla apani gel'ua a tawidan uhi Pathian in ahiat chiat ahi. Ahinla, thinung phat leh mi hausahin, a genthei pa hilehle akibang chiat ahita, vangam a apuaklut thei di'u bangma aumchuam diak puai.

Damlai sunga hausatna diktak chu sum leh pai, chuleh nei leh gou tampi nei hi ahipua, zia sanga thil ngainatna tawmcha nei chu hausatna diktak

ahi zaw'i. Sum leh pai chu-  
leh nei leh gou tampi mi'n nei  
male'u le angainat atam phat  
leh a hinkhua genthei takin a  
mang sek ahi. Hausatna di'n  
amasapen in Lalpa Jesu nei  
angai hi. Ama nei zosia'n pai-  
sa tampi nei maleh amanchak  
dan a thiam a, chuleh tawmcha  
nei maleh anei chungga lungawi  
dan ahia'i. Lei ahin kumtuang  
ah cheng den ding ihilo ziakun  
kumtuang hinna ding gelkhawk  
zing kawm a alei hinkhua mang  
thei mi chu hampaha ahi.

Jesu'n a kiang un,  
"Chingthei un, nekpap, du-  
am kichutuana lak apat in ki-

kangseu in, aziak chu nei leh  
gou buting ziaka mihiam hing  
leh dam ahi diak puai," ati.  
Chuleh "Hinkhua hi nek leh chak  
sanga thupizaw ahia, taksa le  
nik leh puan sanga thupizaw  
ahi" ati. Hinla, amasa'n alal-  
gam zawk hawldi'n ei hil ua,  
aziak chu adang zosia le ei  
piakbe di'u ahi, ati. A lalgam  
hawl masa zosia, nei leh gou,  
gucha'n agukmang theilona,  
nget in anek siat thei lona, van  
a gou akhawl uh ahia, l gou  
umna a chu l lungthim le um ahi.

--o0o--



## Dik la sa em?

By:- Rev. N. Dalla

1. I dawitak vote khiak theilona khawvel ah chêng i hi nâkkâl ua, Pathianni khel khel ah vote khiak ding hung kiti kît nalai chuh, i thagau mi lonau suklatna ding ding hung hi didân ahi hila e..!
2. A vote neitu umlo kâl ah vote khiak san khawksak lona khawvel ah cheng i hi maizên utawh, tuchung vote i khiak ding niu hi sukchawn ahilo chun phaze sa ki hung tam maithei ahi.
3. Eigam chiadân hi i et etleh imi dawî pen vote piak sang ah, dawilo le hinle i dawî ei pia pia chuh vote piak mai ding ti dândeû ahi ziakin, mipha têldaw kiti hi ahak in a haksâ nalai ahi.
4. Bible hunlai ah khutdaw haw kha a tângpi in mitthûm, kêngbai ahiu ah, tulai ah khutdaw haw pi hi i etleh a hâtlai lai, a khawmu thei lai lai haw po hi ahi gam tau ei..!
5. Chemtât tepu thusim ah kaikuang pa kha gitlona pandawk tu himaleh, chemtât tepu khan a ban zawmda leh meithainu khan buaina tuak lo hial ding ahi.
6. Kaikuang pa khan bangcheng bawl in, khawitak tak kha dawt vêt vêt maleh, chemtât tepu kha lungnat da him him leh, zia bang siasua khan buaina tunglo hial ding ahi.
7. Eilawi in thepna hi umda leh itiu ahia, thepna umlona ding ah pauchap ding le ei pua, pauchap leu hinle thepna chu tuak tho tho ding i hiu ahi.
8. Sepaite khun mêlma te meichang a buaipî puau a, meichang se butlo ding bullet proof a buaipî zawk gual un, gingtu Khrista sepaite hinle thepna meichang buaipî loin, thagau bullet proof Khrista suangpi ahin i kisêl zaw diu ahi.
9. Khawvel hi i et etleh, naupangte Musical Chair ki bawlsak gual gual khu ala ki hidân ei vei.! Chutna ki chu ah tai kîmvêt mai mai hinkhua mang ila hiu ahi.
10. Let ding lal ding kichu ah, dung leh vai ah tai vêt vêt mai hinkhua mang pawl hi a tam in a ki tam ta, a chutna ding cho'ki bep bep buaipî ah, a ma'ang ah umte palpêk suk ziang khawk saklona khawvel ah chêng i hitau ahi.

11. Sawlkar lam hi henla, khawtang leh kochuam gam hi lele musical chair hi anasa talua ta, palpêk ah um pawl hung um intin, a cho'ki mi dang awt nuamlo hung tam deu deu ding ahi.
12. I Pathian thu chun “.. alopi pen ding chu a naupang pen gual ah a umding ahia, a lalpen ding chu a nasem pen ah apan ding ahi” atia, (Lk. 22:26) eiawi let nuam dân leh lal nuam tawh vang ki khia iai..!
13. A hâtlo zosia hi a diklo zaw a hi ziang puau ah, a dik in gual zawna a chan sangin, a diklo zawn gual zawna a chang nuam zaw ma ma ahi.
14. Ki thu gualna pha a um a, thilphalo lam tak ah ki thugual khâk chu a vainung leh ki mudana hung sang nuam ahi ziakin, a pangkhawm tamtak hung kinak siatna le zia chu hi nuam ahi.
15. Sum hi mi gawmkhawm tu ahia, sum hi mi ki khensaktu le hi kît ahi ziakin, sum thahât (money power) mang ah thil ki bawl haw hin sawt a dai taktak theilo ahi.
16. Sum muna diklo hin matna diklo ahing nuam ah, muna dik mama lele a mangchatu a diklo leh matna diklo ah mat hi nuam mama ahi.
17. Peter in Lal Jesu kha langsâl takin a phatsan sek a, langsâl tak ma in a nung a zui kît zêl sek ah, eilawi chu pawlawng ah nungzui gin umtak gual ah kilang, a gûk ah Lal Jesu ala phatsan a ki tam ma ma sek ahi.
18. Peter kha a nungtawl lai tak inle midangte'n Jesu nungzui a hidân a he thei ua, eilawi chu i ki thagau mi sak lai tak inle Jesu nungzui ding tawh ki lawmlo tak in ila um khasek uh ahi.
19. Peter kha zânkhua lênsêp ah lawsam leh thachawl tak ah a umlai in, a lênsê na ngai ma ah, sep kit ding ah Lalpa thupiak nial loin a zui ziang thei ah, eilawi ki hileh “ka bawl zawsa, ka pei ta puai” ki ti'n tin, a haisan ziang pawl ki tam ma ma ding ei vei..!
20. Peter kha sanga man ah a lawtin lai takin a sanga matsa zosia tawh Lal Jesu kha a bûktua leh a sangate sângin Lal Jesu a têtz-aw, eilawi ki hileh i lawtinna te chu Lal Jesu sâng ah têt nuam zaw ki tam mama ding ei vei..!
21. Thil phalo kiti chu gênpha tei tei le hinle apha chu hi diak talo

- ahia, thilpha chu bang gualin gênsia sia ziang le hinle, va sia ziang thei le hi diak talo ahi.
22. Sa'khuatna hi khawvel in a ngai pawimaw khat ahia, a sakhua dodâltu ahi he kiau kuau ah, zia party ah valût tei tei kiti chu, a sakhua hûmhim gua hilo in, a sumang thai gua hizaw ding ahia.
23. Politics diktak chun sak leh thang ah chawp vêl vêl a bawl ngai pua, a dinna ah det takin a ding zing zawsek ah, sawlkar siamzo ding lam lam ah ki chawn vêl vêl kiti hile politics diktak chu hi bêk bêklo ei vei..!
24. Napha sepdaw ding ngaitua sâng ah, election ah gualzaw ding bep bep ngaitua zaw a tamlai chan chu, khantona pha ah khantona haksa deu nalai intin, khansukna lam ah lawtinna hung hizaw ding ahi.
25. Mi'n mi phalo ding ah ei ginchâk man ua mi phalo kihi ziang ahi pua, mipha ma ma ding ah ei ginchâk ziak ua le, mipha kihi ziang le hi diaklo ahi.
26. Lawi khenkhat in mi hi aphalo ding mawngmawng ah ngai ah, mu phathei him him lo a umsek ua, mipha khat chule aphalo ding gual ah ngai ah mu phathei mawng mawnglo mi um khasek ei veu..!
27. Mi'n ei muda hi aphot ah pha ei vei..! a ziak chu ei â ding ah man piaklo oja(teacher) phatak ahi zia kin, en mi i mu'da leh i mu'da nu, i mu'da pa sâng ah ei ki gimzaw ei vei..!
28. I Bible chun.. "mi zosia'n kingaitawm takin, ama sâng ah midang phazaw'n guat chiat uh hen" ei ti tamai ah (Phil. 2:3) eilawi umchan hilah i etleh ei pha kisa chiat, midang phatlonu muthei chiat kihi thim chiat ihu a maw..?
29. Mitin in eima dawina chiat ah vote khiak ding ti hi a tângko pi lawi ki umsek maleh, ahun ahung nai tiat tiat leh bang gual ah mi vote gûkpiak ding ti, ngaitua pawl hung um khatei sek ahi.
30. Eimau kochuam chiat ah chuh van angel gual ah um chiat chu ihi sâm ua, vote khiak ni phatleh vang chuh, i van angel zo nabek diam uh? bang bang thagau ah thuam in i hung um sau sau diam uh maw?
31. Kum bangzât zo ahem chengleh i gam sung ua vote khiakna hung um veu sek hile a phatna ten khat um ei vei..! a ziak chu gingu

- khristian kahi kiti haw â ding ah kua pen nungzui ihu em? ti hung ki tâk latna chikhat ahi sek ziakin.
32. “Banghitaleh, la umdan uh chu Khrista chanchinpha tawh kituak sak phawt un” ti ahia (Phil. 1:27) Vote khiak hun ahin vang chuh, Khrista chanchinpha tawh ki tuak ah um hih ahaksa tho iai maw?
33. Samson kha mêlma te suchimit ding ah guat ahi lai in, mêlma te gam in a va imu tamai ah, mêlma te ki nawptel na’n a va pang tamai ahi ai khah!
34. Samson kha i awimaw maithei ua, tulai gingtu tamtak hile mêlma kua ahi hetheilo, i umna mun khawitak ahi hetheilo a tam in a ki tam ma ma nalai ahi.
35. Samson imut kâl ah mêlma nu’n a sam zosia ala mêtmui piak gual ah, tulai gingtu tamtak hile i mut lona ding mun ah ila imut khâksek ziak un, i thagau lam hâtna zosiau mêtmui piak in ila um khasek uh ahi.
36. Khawvel ah mi hâtpen le a imut leh a hâtlo pen inle azaw gualin, hâtma ma in na’ thupi taktak semdawk zung zung ziang leu hinle, mêlma te gam ah um ihi nâklai ziak un, thagau lam ah imut khâk ding hi thil lau umtak hiding ahi.
37. I Pathian thu chun “Thu kiphuak kawm pawlche leh tuanthu manlote ah chun kahi’ nât kin” ei atia (1Tim. 4:7) tulai mi tamtak i thât-nawp nau leh i lunglûtnau chulah, zia thu manlo leh kiphuak kawm, thu pawlche haw po hi ahi gam ta..!
38. Paul in Timothi kiang ah “Pathian ngaisakna lam in ki sawizawi in” ati hi la ngaitua kha ngai em? thildang dang ah ki sawizawi hin phat chuamna khat nei tho naleh le, Pathian ngaisakna lam ah ma’ni ki sawizawi hin phat chuamna nasatak anei zaw ahi.
39. “Taksa lam ah ki sawizawi na hin phatchuamna anei tho hi” ti’hi adik ah dik tho ma ahi! ma’ni taksa ki sawizawi pei leh peilo hi ala enleu chun a khiak ah kikhia tho ahiu ei..!
40. I Bible chun “Pathian ngaisakna chu bang lam lam inle a phachuam hi” atia (1Tim.4:8) a umzia chu Pathian i ngaisak po po nâk le, tu’ damsung hinna leh hinna hung tung ding tiang ale phachuam bep hilo in, thutep nei ahi, ti hi nalai ei vei..!
41. Khamna thei ne haw hi mi phalo in i ngaisek ua, mi gentheite

- chanvo ding ne haw hi nasatak in i ngaisang un i chawisang za-wsek uh ahi.
42. Mi ln mi lou ah thil leh thuam va gu haw hi, mi gucha in i ngai ua, i musia ma ma sek ua, ahi'nla sawlkar ah mi gentheite chanvo ding lai gu mang tute haw hi ha pâkchât in i pâkcha sek uh ahi.
43. Diktak ah tawmcha nei haw hi musit leh tawdên in a umsek ua, diklo tak ah tampi khawlkhawm haw hin za'rawlna nasatak a dawng sek uh ahi.
44. A ma taksa ki zuak haw hi, mi thanguai leh mi ten um in i ngai ua, a hinla ama vote ki zuak haw hi mi bawlthei leh thiam mawna neilo gualin i ngai sek uh ahi.
45. Mi phatlonate tepte te ziangte hi a lungthim hât ziak uh ahi puau a, alungthim siat ziak uh hinuam ahia, ziaqual mi chu, lungthim chawldam theilo ahi ziak un, lungsiat umtak ahiau.
46. Mi chung ah a thilpha bawl tepte te ziangte haw hile mi pha bêk bêk chu hilo ei veu..! aziak chu a ma chung ah mi'n thilpha abawllô khâk ua lele ala tepte tinten nuam sek uh ahi.
47. Sam ziaktu chun "Dem kailote chu tepte inla, mi diktat te chu kansui in.." atia (Sam 37:37) eilawi hinla, mi tit lonate, mi genkhial te, mi bawl khialna te ila tepte in, ila kansui nuam ten sek uh ahi.
48. I Pathian uhi mi diklona tepte Pathian ahi pua, mi diklote lunghei ding ngâk zing Pathian ahi..” Aw Lalpa, nang in diklonate la tepte leh, kua ahem, Lalpa ding zo ding?” ti in Sam ziaktu chun dawtna ala siam hial ahi. (Sam 103:3)
49. Election i ti biang uhi le sakhua lam hileh, sawlkar lam hileh, duk leh dak ah Pathian i awi theilo nâk kâl ua, ei su lungzîng tu liantak ahi sek hilam e..!
50. Election leh election kikâl ah thagau mi tak ah i vak um dên dên ua leh, election hun ahung hi pai ah, sakhua lam puitu lai lai le thagau mi but le ki hung um zo tasek lo, bang vâng a tam..!
51. Candidate haw hilah Kochuam in zia hi phan a e.. ti ah ngaituana neucha le i nei masang ua, a lawk ah hung ki lawk hên hûn gam tau ah, kua pen hile phading ahem? ki he zo gam talo..!
52. Ei lak ah a vote nei haw hila khristian ngen kihi sâm intin, i vote khiak didan uhi lah, khristian dan tawh ki tuak khûksan ki hung um

- puantin, a vote neilo cha cha hi a thunei in hung pang kîr nalai leu chuh... bang le i hung suak na diu em.. dîp dap dap le a um hi..!
53. Tu hun ah mihiamte hi i et etleh, Paul in Timothi kiang ah “Mite’n thuhilna dik a ngaithâk peilo hun uh hung tung ding ahi ngal a”.. ala ti kha hi tama ma ei vei..! (2Tim. 4:3) Thudik tângkopi te hi muda ah ki hung um deu deu ding ahileh a kilawm tai..!
54. Paul in a genzawm zelna a chun “.. a nakhang teu a zat ziakin amau nawpna tawh kituakte gen dingin, thuhil dingte kichawm khawm ding ahiu” a la ti kîr a, hi talua ahi.. enleu hin i khristian nau hile khawvel tawh kimil deu deu ziang ei ta vei..!
55. “Thutak chu ngaitha lo ding ah nusia in, tuanthute lam ah pêtmang in au” ti hi la ngaitua kha ngai em? (2Tim.4:4) Thutak hi kua man ngaitha pei ngûr talo kihi ei vei..! tuanthu po, khawvel chawndan tawh kituak deu deu ah Pathian thu heituak thiam thiam chu mi ngai um ahung ki suak gamta ahi.
56. Khawvel hin liberalism hi nasatak in achiapi tak ziakin, sakhua zosia hile chiadan ki bang vek ah chia dingin ei hun thunun ding ahiu a, i hiatlo kâl ua sakhua dangte chawn dan ala ki zui daih khathei dingin i um uh ahi.
57. I Bible chun “Bang hitaleh la umdân u chu Khrista chanchinpha tawh ki tuaksak phawt un” ei tia (Phil. 1:27) eilawi in zia thu hi Biak insung bep in i sudik guau ah, mun dang ah vang sukdik haksa i sa ma ma sek uh ahi.
58. Khrista chanchinpha tawh ki tuak ah mi zuau thep thei ahi pua, chanchinpha tawh ki tuak ah, mi vote va gûk thei le hilo hial ahia, nêkgûk châk gûk kiti haw hile, chanchinpha tawh ki tuak ah bawlthei chi hilo hial ahi.
59. Thagum hât ah lawtinna kiti haw hile, Khrista chanchinpha tawh a ki tuak hi ti lam him him a kihe kha pua, capture kiti mawng mawng haw hile chanchinpha tawh a ki tuak theina zia zâng le a umthei him himlo ahi.
60. Khrista chanchinpha tawh ki tuak tak ah zu vadawn tile aki hekha pua, khamna thei va ne ah, kua khaini, talab, shikhar, dumzial chêp kiti haw hile chanchinpha tawh ki tuak ah bawl theidan lampi a umthei him himlo ahi.

**“Hun nunung lam leh mi khenkhatte’n pui-  
manna thagaute leh, thitha lam ah thuhilna  
ngaisak ziaikin, ginna hun haisan inau”**

**1 Timothy 4:1**

**By: Rev. Seilunlal Vaiphei.**

**H**un nunung lam ahi tak ziaik in khawvel khantona leh thilsuak dang lam tak tak nisin in atung zel hi. Zia ban achun hun leh ni te chia zel in mihing hinkhua le akiam suk deu deu ziang in ahi. Pathian in kagam ahung nai phat leh thilsuak ki dang dang hungsuak ding ti ah ala gen tuhing thilmak leh thil kidang mit a mukhak lo leh bil ah hiatkhaklo thil mak tak tak thilsuak a um sek hi. Nam khat leh nam khat ki do in, Pa leh cha kido in insung khat ziang le ki do nan alua dim tai.

Hun nunung ahi tak tawh kitawn in, insung tina kichamna um talo, Pathian ngaikhawkna le um thei talo. Mani doidan lam hawl ah khawvel thil ngawlp i a lungawi tampi um ta. Pathian hawina leh phatna hawl sang in khawvel hawina hawl in mi nisin in apung deu deu tai. Zia khawvel nawpna khanglian zel hin Pathian kipakna ei tut zawlo ding ahi tithei mi ki kiam suk deu deu ziang ta.

Pathian in adawilo thil tamtakte mipil, mithiam, mi lian mi lal kahi titen akam ua genthi- am mai in hinkhua amang zo tau. Pathian dawidan sang in mihing

pilna leh hiatna ah mipite puihuai nawpna lungthim ahung khanglian zel tai. Mani lawkna ding leh lal na ding ngaitua mi aki punbelap zel hi. Chun, Pathian ngaisakna leh ama lungawina him him ah sem leh bawl ki umtalo ahi.

Bible in, ‘Hun nunung lam leh mi akimkhat ginna apat kinung tawl ding’ ala ti gual in tuhun a hin ginna ah ki nung tawl atam tai. Inchen siam na ding ahi phawt leh tia lungthim gawlgukna le khawksa lo ah hinkhua mang le aki belap zing hi. Nek hawlna lam ahinle ka lawkna ding ahi phawt leh ti ah diklo taka mu ding khawksa lo ki tam

ta. Chun, mite chung ah thu nei nawpna, vaihawm nawpna ziak in midangte ngaituana lungthim sukchatvai piak na ding ah zuau thu kitangko pi mi tamtak ki um ta ahi.

Gingtute, Pathian cha ti ah iki minsaknau Khristiante sukbeina ding leh Pathian i biaknateu dodalna nisin in akhang zing hi. Himaleh, ei un i kamthiam thu un dodalna diklo ahi tin i genlang zel ui. Ei dodaltute laka i pan khaklo ding ki-ngaisia mai ziang ding i bang un ahi. In leh lou, isepna, i thu neinate chân khak sang in eima iki hukdamna ding ahi phawt leh tia ginna zam mangsan ngam kitam ta.

I khualzin nau khawvel ahin, Pathian cha kahi ti ah kihatsak ma ma ziangte le a guk in Pathian dodal mite tawh iki-khutzawp zel ui. Mipi hiat ah ki thutak sak ma ma ziang himaleh aning kawi khat ah mipi chan ding thil zosia ama khut ah kilak lut go ah tai tai ziang. Midangte kiang ah nek daw thei ding hawl ah um thim man kha lo. A khaw-sakna zosia ah du-am na hinkhua mang zing. Taksalam nawpsakna

ding leh lalna ding ahi nak leh tin thagau lam hinkhua ding gel pha mawng mawnglo Pathian cha kahi ktite lak ahin nisin in aki pung deu deu hi.

Sopite haw, ala ngaitiam un, hun nunung lam ahi tak tawh kitawn in Thupuan 16:15nan zia gual hin a gen hi “ Ngai un, gucha gual in ka hung hi. Kuale kiging zing ah umte leh puancheng zingte chu mi hampaha hui. A la ki ginglote chu ngawnchang in um intiu in, mualpho in au” ati.

--o0o--



## PASTOR THU-AWI/THUMAT VANGPHATNA AHI.

**-Pastor Letlal Haokip, Delhi.**

*“La hotuteu thu mang unla, a thu thu un um un, a nasepteu chanchin gen kit ngei dinga, la thagau uh venga hun enkawltute a hiu; kipak tak a, lungkham kawm hilo in sepsak un, chutilo chun nang uh a dingin khawk zaw ding a hi”* (Hebrew 13:17)

**PASTOR NÂ (Duty):** \_Pastor na chu ahileh migilote chu agitlonau a pat hukdaw ding. Miphate chu gitlona a alut kitlo na ding ua Pathian thu hil zing ding chu ahi.\_

### **PASTOR TE THU AWI DING:**

\_Tuni I gennawp uh chu ahileh Pastorte thu-awi lo apawi dan chawmcha ala en hitiu. Eima mimal hinkhua, insung chuleh nam leh kochuam sunga Pathian malzawlina chanding idawi ua ahileh Pastorte thu ingai ua, izabawl di’u ahi.\_

\_Tulai tak ahinle, adiak a Manipur ahin social evil tamtak cum ahi. Etsakna’n- Kani lei bawl (Poppy cultivation), interest a sum leh pai hawp, chuleh election anai tawh kitawn a zou leh nal a vote hawl, vote zuak leh kichawk ding a panlate, kitha-kimat etc. Pastorten le Biakin sung bep hilo a, ziate ho aphant lo dan social

media ah kisua zing ahi. Pastor thugen awi/ngai te chu Pathian inle a malzawl teitei hi ti keima hinkhua ngei inle kamu ahi.\_

### **KEI UN TITHE KA PIAK LO UA AHILEH PASTOR TE BANG LA NEK DI’U AHEM?**

\_Thasiat leh zachat um tak khat chu Kochuam member te pata zia ti gual a thu kigente akihiat sek hi thil hawilo tak chu ahi. Zia ti gual kampau akihiat phat leh kei unle zia Pastorna ka sep uhi Lalpa Jesu khrista kona kachang ua, Pathian kianga kitepna kanei ua haksatna, gentheina um leh le Lalpa na hi mualsua ding leh thaswaklo a ka sep di’u chu “kitepna/Covenant” kinei ahi.\_

\_Amabochu kochuam member ten sum leh pai lanei ziak ua Pastorte chawkdaw thei dinga lei ngaitua/gel ua, la nawp dandan

ua lei bawl guat ua, lathu thu'u a nunsak ding lagel khak uh leh Lalpa Jesu Khrista min a bawlo dinga chialna ka hun nei uh ahi. Kei uh sang'a nang uh vangpha zaw lahi'u. Kei uh chu nang uh kiang ah ki sep lo leh le Pathian a dinga hinkhua kipedawk ahitak zia kin munkhat a chu ka sep tho tho di'u ahi. Ziaziakachun, Tithe leh Offering hi kei uh ding gelna la piak ua ahileh bawl khial ding la hiu.\_

\_Pathian in adawi chu ahileh, "Kipak taka piak chu ahi." La piaklo a ahileh Pathian suam la hi. Bible a kimu ahi, "Mihiam in Pathian a suam a ngai em? Ahin nang un keima lei suam ui. Ahinla, nang un khawi tak ah nang ka suam ua hem? Atiu a. Sawmakhat leh thilpiaka lei suam ui. Nang un lei suam zia kua leh, zia nam pumpi hinle ei suam zia kua, hansialaw la hi tau." tia Bible ah kigen imu'u ahi.\_

### **BANG ZIACA MI'N PASTOR AZA BAWL NGAI HEM?**

\_Kochuam kiti hi Pathian tundaw leh Ama â ahi. Pathian in kochuam sunga gingtute lakah damna leh damlona akawi ahiziakin amau kithuapi ding in Pastorte

akawi ahi. Pastorte nâ chu ahileh mipite haw thagau a etkaw/ veng ding chu ahi (for they are keeping watch over your souls). (Ezekiel 3:17-21) Mihing, keiman Israel inkuante veng ding in ka hun siam tai.\_

\_Ziaziakachun ka kam ah kipat thu la hiat phat leh, keima ah kipat in thu la hil ding ahi, ati. Bang zia kah hil ngai ding ahem? iti leh agitlonau lampi a pat ah ahinkhua'u aki hukhing nadi'u ahi. Pastor nâ chu ahileh, Pathian in alim leh mel ah asiam mihingte chu ama dawilo lam'a achia phat uh leh, Pastorte'n hawitak ah Pathian thu ah ahil diu ahi. Zia chu amau in naksak lo ah akawi ua, a gitllonau akihei mang san lo ua ahileh Pathian gawtna chu amau in maw akipuak diu ahi.\_

\_Nangma'n agilopa la hilna ah chu, ama'n a gitlona a pat agitlona lampi a nutsia loleh, atatsiatna a chu thi tei ding ahi. Zia tigual gitlona neite chan ding a l taksan uh chu ahileh, athi phat leh "Meidil/Gawtmun" a chia ding ahi. Migilote bep hilo in midikte le kihei mang thei ahi nalai ahi. Pastor ten ei gai ua, Pathian thu a ei hil phat uh leh, naksak lo a l kawi ua, l gitlonau a pat l

kiheimang sanlo ua chun, Pathian gawtna chu eima'n I kipuak di'u ahi.\_

**PASTOR NAKSAK LOU, SIMMAW, GENZIA LEH ZALOU CHU GAWTNA CHANGDI'U AHI.**

\_Chuleh Pastorte naksak lou leh gensia a simmaw ium ua ahileh Bible a kichiantak a kimu ahi. Numbers bung 16 a chun Korath leh Dathan chun Pathian matchak teni Mosia leh Aaron douna'n akikhawm un, amau douna thu agen ua. Pathian in Mosia leh Aaron kiangin zia gual hin a gen hi, "Hiatmanlo ah amau ka suk-mang theina ding in, zia kikhawmte apat chun pawtdawk in" ati. Zia phat chun amau tegel chu le abawkkhup ua, "Aw Pathian, taksa zosia thagau te Pathian, mikhat sukkhial ziaka kikhawmte zosia chung lungna ding la hitam? a ti tau a.\_

\_Chuleh, Pathian in Mosia kiangin, kikhawmte kianga chun hiti hin gen dingin a sawl ta, "Korah, Dathan chuleh Abiram biakbuk apat in kikhindawk in". Pathian mimat Mosia thungailote chu Korath leh Dathan panna'n

mi 250 val athi khawlaw'u ahi. I gennawp pen chu ahileh "Hingzing Pathian" hou ihi'u tawh kitawn in Pathian thagau ei lak a chengzing tawh kitawn a na asem zing ahi.\_

\_Mimal, insung, kochuam leh nam damna ding ahin Pastorte thungai/mat hi I damna ding a amasapen ahi. Aziak chu amau hi Pathian thasang a leichung a ngansia ahiu a, ziaziaaka Bible a kimu chu ahileh, "Lachung ua thuneite thu thu'n um un, a nuai ua kitulut un; amau chu umchan thu gentuak-a pang ding leh la thagau uh aveng zing uh ahi. (Obey your leaders and submit to them, for they are keeping watch over your souls, as those who will have to give an account).\_

--o0o--

THE 19<sup>TH</sup>  
MISSION & EVANGELISM CONF. - 2022  
*Khuga Sadar Presbytery*



~Amun :- Gangpimuol P.C (KSP)      ~Ahun :- 11<sup>th</sup> - 13<sup>th</sup> March 2022  
~Thupi :- “Thim a pat vak” ~Isai 9:2

Pathian mapuina zal in 19<sup>th</sup> M&E Khawmpi - 2022 mang thei ding ah ei puitu Pathian chu lopina chang ta hen. Kochuamte a tam thei pen ah chiakhawm ding in ka hun chial ahi.

Zia khawmpi hi buaina umlo ah thagau lam ah lawting tak ah matzaw ahi theina dingin kochuamten pauchapna'n del zui chiat hitiu.

Sd/-  
Rev. (Seilunlal Vaiphei)  
Secretary Sr.

Sd/-  
Rev. (Thanglianmang)  
Moderator

**DETAILED PROGRAMME**

**Date 11/03/2022 (Simhaini) Biakna kikhawp – 6:30 PM**

- Puitu : Rev. Thanglianmang, *Moderator*
- Khawmpi hawwna : Upa Singlet, *Dist. Chairman*
- Report : Exe. Secretary i/c, *Field Secretary*
- Pakna La : Nghathal KKP
- Thugentu : Rev. Seilunlal Vaiphei
- Malzawlna : Upa Lianhau

**Date 12/03/2022 (Kiginni) Devotion – 6:30 AM**

Puitu : Pro. Pastor Khaiminlun

**Biakna kikhawp – 10:30 AM**

- Puitu : Evan. Khupneu
- Thupantu : Nu Hoivak, *Chairperson Town Dist. PWF*
- Report : Evan. Pautinlam
- Pakna La : Tangmual KKP
- Thugentu : Rev. Pauneithang
- Malzawlna : Upa Paulemsang

**SEMINAR LEH PAUCHAPKHAWMNA – 1:00 PM**

Puitu: Rev. Haulalven

Thupi: “Mission Nasepna chuam chuam”

**12/03/2022 (Kiginni) Biakna Kikhawp – 6:30 PM**

- Puitu : Upa Henthianlal
- Pantu : Mrs. Vaknu, *Chairperson Tuithanak Dist. PWF*
- Pakna La : Gangpimuol KKP
- Report : Evan. Chaoba
- Thugentu : Rev. S.T. Kaia Vaiphei
- Malzawlna : Upa Pauneikhup

**Date 13/03/2022 (Pathianni) Devotion – 6:30 AM**

-Puitu : Pro. Pastor Khaiminlun

**Biakna kikhawp – 10:30 AM**

- Puitu : T.Upa Ph. Gena
- Pantu : Nu Chingboi, *Chairperson Khuga Dist. PWF*
- Pakna La : Lingsiphai KKP
- Thawlawm lantu : Upa K.K.Gina, *Local Chairman*
- Report : Evan. Jangkholam
- Thugentu : Rev. Thanglianmang
- Malzawlna : Upa Khamthang

**Holy Communion – 1:30 PM**-Puitu : Rev. S.T.Kaia Vaiphei, *Bialtu Pastor***13/3/22 (Pathianni) Biakna Kikhawp – 5:30 PM**

- Puitu : Upa Nehneithang
- Pantu : Mrs. C. Hoikim, *Chairperson PWF(KSP)*
- Pakna La : Saipum KKP
- Thawlawm lantu : Upa Lalthanglian
- Report : Mr. Mangmawi, *Headmaster PMS, Tispari*
- Thugentu : Rev. Lienthienmang
- Khawmpi Khakna : Rev. Thanglianmang, *Moderator KSP.*

## **Presbytery sung thu chuam chuam:- (Mar. '22)**

1. 45<sup>th</sup> Manipur Synod Annual Session chu Dt. 11<sup>th</sup>-13<sup>th</sup> February 2022 sung in Tangmual P.C ah fel tak leh lawting tak ah mat zaw ahi tai.
2. 45<sup>th</sup> Manipur Synod Annual Session 2022 matna'n Tv. Khaiminlun s/o Upa Lunpau of Leilon chu KSP Pro. Pastor dinga siam ahin, Rev. S.T.Kaia Vaiphei nuai ah sem dingin District centre, Nghathal P.C (KSP) ah Dt. 27<sup>th</sup> February 2022 ni'n Induction bawl ahi.
3. Manipur Synod nuai ah kum ni(2) sung Sekmai M/F ah sem ding Evangelist khat lak na ding interview bawl ahin, Mr. Khupneu of Tuibuang lak ahin, March 2022 apat in join pan ngal ding ahi tai.
4. (L) Upa Kaihau in ale(translated) Holy Bible hi ₹ 500/- per copy ah ala kizuak sek kha, January 2022 apat khan ₹ 300/- in zawk ahi ta'n, KSP Office ah i daw i zatzat chawk thei zing ahi.
5. Nepal gam ah Mission field hawna ding thu ah, a mun leh gam enfel ding in Rev. S.T. Kaia Vaiphei Executive Secretary KSP, Rev. Lienthienmang Sadar Bialtu leh Evan. Khupneu te chu Dt. 21<sup>st</sup> February 2022 ni'n Nepal lam zuan in ala kipandawk tau hi.
6. 19<sup>th</sup> Mission & Evangelism Khawmpi 2022 chu Dt. 11<sup>th</sup> - 13<sup>th</sup> March 2022 sungin Gangpimuol P.C (KSP) ah "Thim nuai ah chia ten vak nasatak amu tau, thimpi'n a zing khumna gam ah chengte chung ah chun vak ahung tai" Isai 9:2 ti thupi manga mat hi ding ahi.
7. Central Khristian Khanglai Pawl, KSP in Income Generating Project(IGP) ding a Jubilee veng, Tangmual ah In asak nau chu chia tha zing in, March 2022 thasang ngei a zaw thian ding kinep um ahi.
8. Khuga Sadar Presbytery in kum 2022 a dinga Sunday School Teachers' Training nei dinga District tin te a ngansia nau dungzui in nei suak vek ahi tai.

## 'DAMNA AW' PHUNGVUKTUTE :

### PATRON MEMBERS :

- |                       |                               |
|-----------------------|-------------------------------|
| 1. Pu P. Vaiphei IAS, | Imphal                        |
| 2. Upa Henthianthang, | S.Kotlian                     |
| 3. T.Upa Haulallawm   | S.Kotlian                     |
| 4. Upa Thienkhomang   | S. Kotlian                    |
| 5. Upa Laltinkhup,    | HQ. Church, Tuibuang          |
| 6. Pi Manliankim,     | HQ. Church, Tuibuang          |
| 7. Upa D. Mina,       | Lingsiphai                    |
| 8. T.Upa Ph. Gena,    | Lingsiphai                    |
| 9. Pu. Khamlal        | Saipum                        |
| 10. Pu Khamliankap    | Saipum                        |
| 11. Pu. Tinlunlal     | Saipum                        |
| 12, Pu. S.Kapbawi     | New Delhi                     |
| 13. Upa Genhau        | Central Church, Compound veng |
| 14. Pu. Khailianbawi  | Central Church, Compound veng |
| 15. Pi Kimtawi        | Kohima                        |
| 16. Tv. Daniel        | Tangmual                      |

### MEMORIAL GIFT :

- |                                |  |
|--------------------------------|--|
| 1. Pi Deem Melody,             | <b>Central Church, (Rengkai)</b><br><i>[In loving memory of (L) Upa Lamthianlal]</i> |
| 2. Pi Rebekah                  | <b>Kangvai</b><br><i>[In loving memory of (L) Pastor Khaivung]</i>                   |
| 3. Upa Liansawmthang           | <b>Lingsiphai</b><br><i>[In loving memory of (L) Pu. Henzagen]</i>                   |
| 4. Pi. Nem Grace Boisi Capvung | <b>Delhi</b><br><i>[In loving memory of (L) Pi Vanlalchhuangi]</i>                   |

### SUPPORTING MEMBERS :

- |                           |                 |
|---------------------------|-----------------|
| 1. Upa Khomlunlal         | S.Kotlian,      |
| 2. Pu. S.Thangminlian     | Lingsiphai,     |
| 3. Pu Lelboi,             | Lingsiphai      |
| 4. T.Upa Lalneilian       | Central Church, |
| 5. Pu EL Soson            | Central Church  |
| 6. T.Upa Genminthang,     | Central Church, |
| 7. Pi. Kimneihawi         | Saipum          |
| 8. T.Upa J. Mark          | Saipum          |
| 9. Pu Genthiankap,        | Nghathal        |
| 10. Pu Lianzakhup         | Nghathal.       |
| 11. Pu Lemthang           | L. Mission Veng |
| 12. Rev. S.T.Kaia Vaiphei | Nghathal        |
| 13. Nk. Dimkhoniang       | Zikpi Tampak    |

**ENCOURAGING MEMBERS :**

- |                   |                 |
|-------------------|-----------------|
| 1. Pu K. Minlian  | Tangmual,       |
| 2. Upa Ph. Kamlam | L. Champhai,    |
| 3. Upa S.T.Siam,  | L. Mission Veng |
| 4. Pi Chhungi     | Hq. Tuibuang    |
| 5. Pu S. Paumuan  | Saipum          |

Damna Aw monthly magazine hi tutiang ahin kochuamte'n phungvukna i bawlte'u ziaka hin chiazal i hiu a, kuale phungvukna bawl utte a ding in bangtik lai in le bawlthei zing ahi.

**(i). Patron member- Kum 3 (three) a ding in. ₹. 3,000/-**

**(ii). Memorial Gift- Kum 2(two) a ding in. ₹. 2,500/-**

**(iii). Supporting member- Kum2(two) a ding in ₹. 2,000/-**

**(iv). Encourager- Kum 1(one) a ding in. ₹. 1,000/-**

Chun, sum thawt nuamte a ding in:

**A/C name: Khuga Sadar Presbytery(MPCS)**

**A/C nos: 32483318505**

**Branch code: 6182, CCpur**

**CIF nos: 86412486695**

**IFSC nos: SBINOOO6182.**